

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2283 del 23/08/2021

Traduzione in ladino

Coronavirus: sotscrita la neva ordenanza

L'é stat sotscrit en vender ai 20 de aost dal president de la Provinzia autonoma de Trent l'ordenanza n. 81 che perveit de outra mesures per ge fèr front a l'emergenza epidemiologica.

L'ordenanza ge va dò al protocol de cordanza anter l minister de la sanità, l commissarie straordenèr, Federfarma, Assofarm e FarmacieUnite sotscrit ai 5 de aost e la met en doura ence la Indications de endrez provinzièles per iservijes per fantolins e scolines, per la scoles populères, mesènes e autes e per la istituzions de formazion.

Tel document vegn ence dat de etres schiarimenc per l'endrez de evenc, spetacoi e ativitèdes, per i impianc portamont en doura d'istà e ence per la menses aziendèles e i locai duré per l servije de restorazion per i dependenc publics e privac. Schiarimenc ence per l personal che laora te la scoles e per l prozess de control del zertificat de vazinazion Covid-19: ge vegn dat l met ence ai sorastanc de durèr i "totem", i aparac che la Provinzia à cernù per controlèr l possess de la zertificazion verda Covid-19, apede l'aplicazion nazionèla per fonins App "VerificaC19".

Desposizioni en cont de co meter a jir i ejames antigenics te la speziarès

La speziarès olache vegn fat ejames antigenics asvelc les cognarà manèr ite n messaje de enscinuazion tel Protocol nazionèl a la Apss a chesta direzion e-mail: abilitazioneesterni@apss.tn.it. La speziarès olache vegn jà fat chest ejam les podarà seghitèr sia atività e les vegnarà conscidrèdes enscinuèdes tel nef protocol.

Partecipazion del publich a evenc/garejèdes sportives e spatacoid te impianc e structures daite e a l'averta

Tel respet de l'obligh de aer la zertificazion verda covid, vegn confermà che la structures no pel tor ite più che l 50% de sia capacità.

Evenc o ativitèdes te lesc gregn e no ensevié ite

No l'é de besegn de aer la zertificazion verda covid per i evenc e la ativitèdes che vegn fac te lesc gregn e no ensevié ite, che no abie entrèdes spezifiches e dedichèdes, olache pel esser ence persones che no les é aló aposta per tor pèrt a chisc evenc e donca no i é destiné a n publich definì dantfora e no i vegn porté dant te lesc dediché demò a chel event o chela atività.

Resta enveze en doura chel che l'é stat pervedù per sègres e fieres, schecondir l'azess demò con zertificazion verda covid e l'obligh per i organisadores de meter en consaputa l publich tras tabeles aldò; se vegn fat n control, ciaparà na multa demò la persona zenza zertificazion verda e no i organisadores, se i à respetà i oblighes de informazion.

Impianc portamont per l turism da d'istà

Vegn confermà che se pel fèr montèr sù no più che l 50% de la capacità; estrapede, per arseguèr n endrez mior e più segur tel jir e vegnir de la persones che doura i impianc, vegn mudà l calcul del tet de pruma entrèdes che se pel arjonjer vigni dè, semper ampò tel respet de l'obligh de no fèr montèr sù più che l 50% de la capacità.

Zertificacions verdes covid e prozess de control te la scoles e te la istituzions del sistem educatif provinzièl e ti servijes educatives per fantolins

Vegn slarià fora l met de durèr i etres strumenc de control de la zertificazion verda covid che se jonta apede l'aplicazion per fonins App "VerificaC19" ence da pèrt di sorastanc de la istituzions de scola e formazion del sistem educatif provinzièl, di responsaboi di servijes educatives per fantolins, di sorastanc de la scolines provinzièles e ence di responsaboi de la scolines equiparèdes.

Amò apede se deschiaresc che l'oblig de la zertificazion verda covid vèl ence per l personal scolastich, tant ensegnanc che no ensegnanc, e ence per l personal che laora ti servijes educatives per fantolins, te la istituzions de scola e formazion per ativitèdes outes a l'inclujion scolastica, enceben che i sie dependenc de enc privac e convenzioné con chesta istituzions, e tinultima ence per dut l personal che sibie en servije con funzions che pel vegnir conscidrèdes desche cheles portèdes dant dal personal de scola.

Indicazions de endrez per l'atività di istituc del sistem educatif provinzièl e di servijes sozio-educatives per fantolins e per la istituzions de scola e formazion de la socles populères, mesènes e autes

L'atività didatica e formativa, col prum de setember, la cognarà vegnir metuda a jir tel respet de la neva Indicazions de endrez provinzièles.

Menses aziendèles e locai duré per l servije de restorazion per i dependenc publics e privac

I lurieranc pel jir ite te la mensa aziendèla o ti locai duré per l servije de restorazion demò se i à la zertificazion verda.

Se pel troèr l'ordenanza e la enjontes a chest link:

<https://www.ufficiostampa.provincia.tn.it/CORONAVIRUS-Aggiornamenti-e-comunicazioni>

(us)